



Broj: 462-2/2013
Datum: 27.04.2013.

Na osnovu člana 39. Zakona o visokom obrazovanju u Brčko distriktu („Službeni glasnik Brčko distrikta BiH“, broj 30/09) i člana 171. Statuta Evropskog univerziteta Brčko distrikt, a u vezi sa Standardima i smjernicama za osiguranje kvaliteta u visokom obrazovanju u Bosni i Hercegovini, te Odlukom o kriterijima za akreditaciju visokoškolskih ustanova u Bosni i Hercegovini, Senat na sjednici održanoj dana 29.06.2013. godine, d o n o s i

PRAVILNIK O SAMOVREDNOVANJU I OSIGURANJU KVALITETA

Član 1.

Ovim pravilnikom se utvrđuje metodologija i postupak samoevaluacije na Evropskom univerzitetu Brčko distrikt (u daljem tekstu: Univerzitet) za potrebe sistema osiguranja kvaliteta u svim organizacionim i podorganizacionim jedinicama i službama.

Član 2.

Samoevaluacija predstavlja prolazni osnov funkcionalnosti sistema osiguranja kvaliteta na Univerzitetu.

Član 3.

Cilj definisanja metodologije samoevaluacije je razvoj kulture samoevaluiranja kao neizostavnog segmenta razvoja kulture kvaliteta na Univerzitetu, a u svrhu razvoja i unapređenja sistema osiguranja kvaliteta na Univerzitetu i osiguranja kompatibilnosti sa prisutnom praksom u Evropi.

Član 4.

Samoevaluacija se provodi na individualnom i organizacionom nivou. Temelji se na SWOT analizi.

Samoevaluacija se vrši redovno, najmanje jedanput godišnje, a prema godišnjem planu rada Komisije za osiguranje kvaliteta (u daljem tekstu: Komisija) na Univerzitetu. Komisija može naložiti i vanrednu samoevaluaciju pojedinih segmenata ili organizacionih jedinica.

Član 5.

Postupak samoevaluacije je u potpunosti u skladu sa Standardima i smjernicama za osiguranje kvaliteta u Evropskom području visokog obrazovanja, Standardima i smjernicama

za osiguranje kvaliteta u visokom obrazovanju Bosne i Hercegovine, Odlukom o kriterijima za akreditaciju visokoškolskih ustanova u Bosni i Hercegovini, Kriterijima i indikatorima za akreditaciju studijskih programa na univerzitetima u Bosni i Hercegovini, kao i drugim aktima Univerziteta i važećim zakonskim propisima.

Član 6.

Individualnom samoevaluacijom su obuhvaćeni svi interni korisnici sistema za osiguranje kvaliteta na Univerzitetu.

Član 7.

Samoevaluacioni izvještaj Univerziteta se izrađuje na osnovu internih akata sistema osiguranja kvaliteta Univerziteta, a u potpunosti prati metodologiju Kriterija za akreditaciju visokoškolskih ustanova u BiH Agencije za razvoj visokog obrazovanja i osiguranje kvaliteta BiH i drugih primjenjivih državnih i međunarodnih akata.

Samoevaluacioni izvještaj usvaja Senat i prosljeđuje ga Upravnom odboru Univerziteta.

Član 8.

Sve nejasnoće oko primjene ovoga Pravilnika rješavat će rektorat Univerziteta detaljnijim uputstvima i tumačenjima.

Član 9.

Pravilnik stupa na snagu osmog dana od dana objavljivanja na web – stranici Univerziteta.

R E K T O R

Prof. dr Zoran Milošević